

L E B H I T I C U S.

mi sibhse o gach sluagh *eile*, chum as gu'm bu leam *féin* sibh.

27 Bean no duine mar an ceudna aig am bheil leannan-sith, no bhios re fìofachd, cuirear gu deimhin gu bàs iad: clachaidh iad le clachaibh iad; *bithidh* am fuil orra féin.

C A I B. XXI.

AGUS thubhairt an Tighearna re Maois, Labhair ris na sagairt mic Aaroin, agus abair riu, Air son nam marbh cha falaichear neach sam bith *dhìbh* am measg a shluaigh.

2 Ach air son a dhillean^a, a ta 'm fagus da, *eadhon* air son a mhàthar, agus air son athar, agus air son a mhic, agus air son a nighinn, agus air son a bhràthar,

3 Agus air son a pheathar a ta 'na h-òigh, a ta 'm fagus da, aig nach robh fear-pòsda; air a sonfa feudaidh e bhi air a thalachadh.

4 Ach cha falaich se e féin, *air bli dha'na* dhuine urramach^b am measg a shluaigh, gu thruailleadh féin.

5 Cha dean iad maoile air an ceann^c, agus oifinn am feusaig cha bhearr iad, ni mò a ni iad gearradh 'nam feoil;

6 Bithidh iad naomha d'an Dia, agus cha truail iad ainm an Dé: oir tha iad a' toirt seachad tabhartais an Tighearna a bheirear suas le teine, agus arain an Dé; uime sin bithidh iad naomha.

7 Cha ghabh iad bean a ta 'na strìopach, no mi-naomha^d; ni mò a ghabhas iad bean a chuireadh air falbh o fear: oir *tha* e naomha d'a Dhia.

8 Uime sin naomhaichidh tu e, oir tha e toirt seachad arain do Dhé: bithidh e naomha dhuit: oir *tha* mise an Tighearna naomha, a ta 'gar naomhachadh.

9 Agus ma thruailleadh nigh-e an sagairt air bith i féin le strìopachas a dheanamh, tha i thruailleadh a h-athar: loisgear le teine i.

10 Agus efan a tha 'na ard shagart o mheasg a bhraithrean, neach a dhòirteadh an ola naomha air a cheann, agus a choisrigeadh a chur na h-éididh^e uime, cha rùisg e cheann, ni mò a reubas e eudach.

11 Ni mò théid e steach a dh'ionnsuidh cuirp mhairbh sam bith: air son athar no air son a mhàthar cha falaich se e féin.

12 Agus as an ionad naomha cha d'théid e mach, ni mò a thruailleadh e ionad naomh a Dhé; oir a ta crùn oladh-ungaidh a Dhé air: *Is* mise an Tighearna.

13 Agus gabhaidh e bean 'na maighdeanas.

14 Bantrach no bean a chuireadh air falbh o fear, no bean mhi-naomha, no strìopach; iad sin cha ghabh e: ach òigh d'a shluagh féin gabhaidh e mar mhnaoi.

15 Agus cha truail e a shliochd am measg a shluaigh: oir a ta mise an Tighearna 'ga naomhachadh.

16 Agus labhair an Tighearna re Maois, ag ràdh,

17 Labhair re h-Aaron, ag ràdh, Ge b'e air bith e do d' shliochd 'nan ginealachuibh, anns am bi gaoid^f *sam bith*, na d'thigeadh